



TOSHKENT DAVLAT YURIDIK UNIVERSITETI REKTORINING B U Y R U G ' I

29.09.2022

220-tm-son

Talabaga hayfsan e'lon qilish to'g'risida

2022/2023-o'quv yili kuzgi semestrda chekka hududlardan kelib Toshkent davlat yuridik universitetida tahsil olayotgan talabalar uchun munosib shart-sharoitlar yaratish va ijtimoiy himoya qilish, ularning holidan doimiy xabardor bo'lib borish, talabalarni turar joy bilan ta'minlash tizimini yanada takomillashtirish, ushbu sohada ortiqcha ovvoragarchiliklarni oldini olish hamda Talabalar turar joyiga (keying o'rinlarda – TTJ) joylashtirishda ijtimoiy adolat, tenglik, insonparvarlik, oshkoralikni va shaffoflikni ta'minlash maqsadida universitet rektorining 218-um-son buyrug'i ishlab chiqilgan va unga muvofiq talabalarni TTJga joylashtirish bo'yicha komissiya tarkibi tasdiqlandi. Komissiya faoliyatini yuqorida keltirilgan mezonlarga tayangan holda olib bordi.

Shunga qaramasdan ayrim talabalar tomonidan komissiya faoliyati haqida noto'g'ri munosabat shakllantirishga qasddan harakatlar qilinib, universitet Odob-axloq kodeksida belgilangan me'yorlarni buzish holatlari kuzatildi.

Jumladan, 2022-yil 8-sentabrda Xalqaro huquq va qiyosiy huquqshunoslik fakulteti 3-kurs talabasi Jo'rayev Elchin Elmurodovich TDYU 3-binosida tashkil etilgan TTJga joylashtirish bo'yicha komissiya faoliyatiga qarshilik qilgan hamda komissiya a'zolarini og'izga olib bo'lmaydigan so'zlar bilan haqoratlagani va qadr-qimmatiga hurmatsizlik qilganligi aniqlandi.

Shuningdek, talaba Jo'rayev Elchin Elmurodovich TTJga joylashtirish bo'yicha komissiya faoliyatiga samaradorligiga salbiy ta'sir ko'rsatuvchi va haqiqatga to'g'ri kelmaydigan ma'lumotlarni tarqatgan.

Talaba Jo'rayev Elchin Elmurodovich o'zining yuqoridagi xatti-harakatlari bilan Toshkent davlat yuridik universiteti Odob-axloq kodeksining 14-modda 2-bandida (o'z harakatlarini Universitet manfaatlarini ko'zlab amalga oshirish, uning imijini saqlash va oshirish, Universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda ijtimoiy tarmoqlardagi yozishmalarida o'zlarining namunali xulq-atvori bilan Universitet haqida yuksak ijobiy taassurot uyg'otish), 3-band (Universitet, uning xodim, talaba va doktorantlari haqida haqiqatga to'g'ri kelmaydigan yoki noto'g'ri talqin qilingan, noto'g'ri talqin qilish uchun imkon beradigan ma'lumotlarni tarqatmaslik, bunday

ma'lumotlar tarqalishiga yo'l qo'ymaslik, shuningdek, jamoat oldida va ijtimoiy tarmoqlarda bu mavzuda chiqishlar qilmaslik), 16-modda 2-band (har qanday huquqbuzarlik yoki jinoyat sodir etish, jumladan tuhmat qilish, haqoratlash), 18-modda 2-band (Xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) keltirilgan qoidalarni qo'pol ravishda buzgan.

Talaba Jo'rayev Elchin Elmurodovich TTJga joylashtirish bo'yicha komissiya faoliyatiga qarshilik qilgani, komissiya a'zolarini og'izga olib bo'lmaydigan so'zlar bilan haqoratlagani va qadr-qimmatiga hurmatsizlik qilganligi hamda TTJga joylashtirish bo'yicha komissiya faoliyati samaradorligiga salbiy ta'sir ko'rsatuvchi va haqiqatga to'g'ri kelmaydigan ma'lumotlarni tarqatganligi bilan universitet Odob-axloq kodeksining 14-moddasi 2 va 3 bandlari, 16-moddasi 2-bandi, 18-modda 2-bandlari talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 14-moddasi 2 va 3-bandlari, 16-moddasi 2-bandi, 18-modda 2-bandlari hamda universitetning Ichki tartib qoidalari (ichki mehnat tartibi qoidalari) 83-bandiga asosan shuningdek universitet Odob-axloq komissiyasi xulosasiga muvofiq,

BUYURAMAN:

1.Universitetning Xalqaro huquq va qiyosiy huquqshunoslik fakulteti 3-kurs talabasi Jo'rayev Elchin Elmurodovichga universitet Odob-axloq kodeksining 14-moddasi 2 va 3-bandlari, 16-moddasi 2-bandi hamda 18-modda 2-bandlari talablarini buzganligi uchun hayfsan e'lon qilinsin.

2.Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq mazmun-mohiyatini talabalar e'tiboriga yetkazilishi va har bir akademik guruhda keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova) mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor



A.TASHKULOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



yuriskonsult

D.ALIBOYEV

